



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP (NEGERI PAHANG)

Blok C, Wisma Belia,
25200 Bandar Indera Mahkota, Kuantan, Pahang

No. Telefon : 09-571 7777/ 7778
No. Faks : 09-571 7779/ 7780

KPDN PAHANG SITA LORI 3 TAN KERANA MELAKUKAN AKTIVITI PENYELEWANGAN MINYAK DIESEL BERSUBSIDI

KUANTAN, 19 April 2024 – Kementerian Perdagangan Dalam Negeri dan Kos Sara Hidup (KPDN) Negeri Pahang, telah bertindak menahan seorang individu lelaki berbangsa Cina berumur dalam lingkungan 45 tahun dan turut menyita sejumlah minyak diesel subsidi, lori 3 tan yang telah diubahsuai dan kelengkapan lain ketika sedang melakukan aktiviti penyelewangan minyak diesel bersubsidi di sebuah lombong di Muadzam Shah, Pahang pada 17 April 2024 lalu.

1. Dalam Operasi OPS TIRIS 3.0 yang dilakukan pada waktu kira-kira jam 7.00 pagi tersebut, sepasukan penguat kuasa KPDN Pahang telah menjalankan risikan berdasarkan aduan awam yang diterima ke atas sebuah lori sindiket yang diubahsuai dengan tangki tambahan. Berdasarkan aduan awam tersebut, lori yang diubahsuai berkenaan telah menjalankan aktiviti mengutip minyak diesel bersubsidi di stesen-stesen minyak sekitar Kuantan untuk dijual secara haram kepada industri-industri yang memerlukan.

2. Berdasarkan risikan yang dijalankan, lori berkenaan telah bertindak mengisi minyak sebanyak 4 kali di 3 buah stesen minyak di sepanjang jalan Pekan, Pahang. Pasukan Penguat Kuasa KPDN telah bertindak

mengekori lori berkenaan sehingga ke sebuah lombong di Muadzam Shah dan ketika serbuan dilakukan mendapati individu yang disyaki sedang membuat pemindahan minyak dari lori ke sebuah skid tank yang berada di kawasan lombong berkenaan.

3. Dalam serbuan tersebut KPDN Pahang telah bertindak menyita minyak diesel subsidi yang cuba diseleweng dan barangan lain yang berkaitan seperti berikut:

- i. Minyak diesel pada tangki tambahan lori sebanyak 2,400 liter;
- ii. Minyak diesel dalam skid tank sebanyak 224 liter;
- iii. Sebuah lori 3 tan bersama tangki tambahan yang diubah suai;
- iv. Sebuah Skid tank berkapasiti 10,000 liter;
- v. 1 unit motor pam dan;
- vi. Peralatan lain yang digunakan untuk aktiviti penyelewengan minyak subsidi.

Nilai rampasan keseluruhan bagi kes tersebut adalah sebanyak **RM75,641.85**

4. Dua (2) kertas siasatan telah dibuka iaitu kepada individu lelaki terbabit dan pemilik skid tank yang disita kerana **memiliki barang kawalan dalam keadaan yang menimbulkan syak yang munasabah akan melakukan kesalahan dan tidak memiliki permit menyimpan barang kawalan petroleum**. Kes di siasat di bawah Akta Kawalan Bekalan (AKB) 1961.

5. Sepanjang pelaksanaan OPS TIRIS 3.0 yang telah diperluaskan kepada Diesel, Petrol Ron 95, LPG, Minyak Masak, Gula, dan Tepung Gandum KPDN Pahang telah mempertingkatkan penguatkuasaan dan

pemantauan ke atas komoditi barangan tersebut bagi mengelak belakunya penyelewengan oleh pihak yang tidak bertanggung jawab.

Bermula 1 Januari sehingga 17 April 2024, KPDN Pahang telah mengambil tindakan sebanyak **25 tindakan kes** berkaitan penyelewengan barangan kawalan bersubsidi di seluruh negeri Pahang dengan pecahan seperti berikut:

- i. Diesel - 21 kes
- ii. LPG - 2 kes
- iii. Minyak Masak - 1 kes
- iv. Gula - 1 kes

Nilai rampasan keseluruhan bagi tempoh tersebut adalah sebanyak **RM806,085.00**.

5. KPDN ingin memberi amaran keras terhadap mana-mana individu/syarikat yang berkaitan supaya sentiasa mematuhi perundangan yang telah ditetapkan. Mana-mana orang yang melakukan kesalahan boleh diambil tindakan di bawah AKB 1961 dan jika disabitkan boleh didenda tidak lebih RM 1,000,000.00 (Ringgit Malaysia Satu Juta) manakala bagi kesalahan berikutnya tidak melebihi RM 3,000,000.00 (Ringgit Malaysia Tiga Juta) bagi orang perseorangan atau penjara tidak melebihi tiga tahun atau kedua-duanya sekali manakala bagi syarikat sekiranya sabit kesalahan boleh didenda tidak melebihi RM 2,000,000.00 (Ringgit Malaysia Dua Juta) manakala bagi kesalahan berikutnya tidak melebihi RM5,000,000.00 (Ringgit Malaysia Lima Juta).

6. Pihak Kementerian juga mengalu-alukan agar para pengguna atau warga Negeri Pahang khususnya untuk sama-sama membantu menjadi mata dan telinga Kementerian dan melaporkan sebarang aktiviti

mencurigakan melalui pelbagai medium penyaluran aduan yang telah disediakan seperti berikut:

- (i) Whatsapp ke 019-848 8000 / 019- 279 4317
- (ii) Portal e-aduan@kpdn.gov.my
- (iii) Call Centre 1800 886 800
- (iv) Aplikasi telefon pintar Ez ADU
- (v) Pusat Arahan Penguatkuasaan (ECC) 03-8882 6245 / 6088
- (vi) Hubungi pejabat cawangan-cawangan KPDM Pahang:
 - Kuantan - 09-571 7777 / 09-571 7778
 - Temerloh - 09-2901601 / 09-2901602
 - Raub - 09-3554000 / 09-3552707
 - Jerantut - 09-2601374 / 09-2601375
 - Rompin - 09-4140512 / 09-4140513
 - Bera - 09-255 6314

JEZLILY BINTI JAMALUDDIN

Pengarah
Kementerian Perdagangan Dalam Negeri
Dan Kos Sara Hidup Negeri Pahang

Tarikh : **19 APRIL 2024**